



# САМУРДИН

«Магъарамдхуьруьн район» МР-дин  
общественно-политический газет.  
Общественно-политическая газета  
МР «Магарамкентский район».

# ССС

Газет 1951- йисалай акъатзава. №1 (7929) саласа, 1- январь 2019- йис. Къимет 6 манат.



## 2019 - йис



## Мубаракрай

### Цийи йисан тебрик

ГЪУЪРМЕТЛУ районэгълияр! Ингье, чна мад са йис тарихдиз рекье хтуна ва Цийи йис хушвилелди къадулнава. Чна тарихдиз рахкурзавай, цийиз къабулнавай йисар райондин зегъметчийрин, республикадин руководстводин ва гъар са касди вичин намусдин вилик вахкузвай четин ва жавабдар имтигъан я.

Куьрелди лугъун хъайитла, 2018- йис чна экономикадинни яшайишдин жигъетдай вилик финалди, агъалийрин дуланажагъдин шартлар хъсанаруналди, республикадин руководстводин аферин алаз лишанлу авуна. → 2





1 ←

Чна йисан къене тухванвай кваллахрин делилрай аквазвайвал, чи район экономикадинни яшайишдин рекьяй пакагъан йикъахъ инанмиш яз, йис-йисандавай еришар егинариз, нетижаяр хъсанариз виликди физва. Ида чак са клусни архайинвал ва дамах кутазвач. Вилик аквазнавай везифайри чун вири къуватар желб авуниз, вири мумкинвилер кардик кутуниз мажбурзава.

**Фари́д АГЪМЕДОВ,**  
«Магъарамдхуьруьн район» МР-дин  
Администрациядин кьил.

## Цийи йисан тебрик

Райондин сергъятар, кваллахрин къадарар, вилик аквазнавай везифаяр, иллаки агъалийрин игътияжар лап екебур я. За зи вилик газетдин суварин нумрада Райадминистрацияди авур кваллахдин гъахъ-гъисаб авунин везифа эцигнавачир. Йисан къене авунвай кваллахрин къадарни тлимил туш, вилик аквазнавай месэлайрин къадарни лап гзаф я. Абурун гъакъиндай, чун гележегда гегъеншдиз рахада.

Цийи йисан сувар им неинки хъсан умудрин ва гуьзлемишзавай шад хабаррин вахт, гъакI цийи крарик кьил кутазвай легъзени я. Гъави-

ляй чна и сувар михьи гъиссер ва члехи умудар аваз къаршиламишни ийизва. Адавай хъсанвилихъ дегишвилер гуьзлемишзава.

Къуй 2019-йис вири районэгълияр патал агалкъунринди ва бегъерлу кваллахринди, шад хабарринди хъурай. Къуй куь эрзиман мурадар ва умудар кьилиз акъатрай, куь хъсан фикирар ва планар уьмуьрдиз кечирмиш хъурай!

Къуй квехъ мягъкем сагъвал, ислягъвал, бахтар ва хушбахтвал хъурай!

## СУВАРИН ТЕБРИК



**ГЪУЪРМЕТЛУ** районэгълияр, райондин здравоохранениедин работникри 2018-йис кваллахда гъисс ийидай хътин нетижаяр аваз куьтягъна. Гъукуматди къабулнавай закондихъ галаз къадайвал, къезилвилер авай ветеранризни инвалидриз пулсуз дарманар гунин, вишералди инсанар дири хъувунин, азарлуйриз гузвай тлуьн-хъун хъсанарунин ва абур вахт-вахтунда герек тир рапаралдини дарманралди таъминарунин карда ЦРБ-дин участковый больницадин, хуьруьн врачбный 5 амбулаторийдинни 22 ФАП-дин, санлай 110 духтурдини 354 юкъван медицинадин персоналди гъакъисагъвилелди зегъмет члугвазва.

Ихтияр це, вири медроботникрин тIварунихъай квез алукънавай 2019-йис мубарак ийидай. Къуй квехъ мягъкем сагъвал ва клубанвал хъурай. Чун гележегдани куь сагъламвилеин къаравулда уяхдиз акваздайдадахъ инанмиш хъухъ.

**ГЪ. БЕГЛЕРОВ,**  
ЦРБ-дин кьилин духтур.

## ПОДПИСЧИКРИЗ

Цийи йисан газет кхъей Районэгъли, ваз чухсагъул!  
Кхъин тавур цлуд касдилай  
Кхъей садан бес я акъул.  
«Самурдин сес» дуст хъана ваз,  
Цийи йисуз адахъ галаз  
Кваллах ая гъил-гъилеваз,  
Лугъудайвал ваз аферин!



## СУВАРИН ТЕБРИК

**ЛУГЪУДА**

ХЪИ, аялар чи гележег я. Чаз кье диде-бубайрихъ галаз сад хъиз гъа гележегдикай къайгъу члугвазвай, чи аялриз чирвилер ва тербия гана халисан инсанар яз уьмуьрдин рекъел акъудзавай малимриз ва тербиячийриз риклин сидкъидай Цийи йис мубаракиз кланзава. Къуй квехъ мадни бегъерлувилелди кваллахдай сагъламвал ва хушбахтвал хъурай.



«Самурдин сес» газетдин коллектив.

## НЕТИЖАЯР КЪУНА

*ГЪАР са кар авурдалай гуьгъуьниз адан нетижаяр къун, хъсан пис терефриз къимет гун адетдиз элкъвенва. ИкI гъар йисан эхирда къилди ксари, спортсменри, алверчийри, малимри, духтурри ва вири идарайри чпи кечирмишай йисан нетижаяр къазва. Иниз килигна чи корреспондент Афисат Айдемирова МР- дин хуьруьн майишатдин управлениедин начальник Рагъимханов Ферудинахъ галаз гуьруьшмиш хъана ва са шумуд суал гана.*

**- Ферудин Эдуардович, акъалтIнавай 2018- йис хуьруьн майишатдин хилез регъбервал гузвайбур ва и хиле зегъмет чIугъазвайбур патал гихътинди хъана?**

- Мад са йис хъсан нетижаяр аваз акъалтIна лагъайтIа чун ягъалмиш жедач. 2018- йисуз райондин хуьруьн майишатдин хиле 35II млн.манатдин валовой продукция гъасилнава. Абурукай 2845,6 млн.манат набататвилляй, 665,4 млн.манат малдарвилляй хъанва.

Райондин хуьруьн майишатдин товарар гъасилзавайбуру 24 426 млн. манат налогар ганва. И йисуз планламишнавай 3780 гектарда гатфарин техилар, 2930 гектарда емишар, 360 гектарда гъажибугъдаяр, 370 гектарда картуфар ва 80 гектарда халид сарар цана.

2970 гектар чилелай 86 310 тонндив агакъна майваяр кIватIнава. Абурукай I0 360 тонн картуфар, 43 710 тонн емишар, 2184 тонн халияр, 4I 250 тонн алафар, яни 40275 тонн векъер ва III5 тонн самар гъазурнава. 850 гектар чил гъалнава ва I50 гектарда зулун къацар цанва.

**- Багъманчивилин хиле гихътин гъалар ава ?**

- Алай йисан январдин вацран делилрай малум тирвал, кутунвай 5713 гектар багълар ава ва абурукай 4857 гектар емишар гъизвайбур я. 2017- йисуз 46I гектар багълар кутунай. 2018- йисуз пландик квай I50 гектардиквай I20 гектарда багълар кутунва. Идалай гъейри районда 2153 гектар уьзюьмлухар ава ва I832 гектар бегъер гузвайбур я. Районда 2 КФХ, I ИП, ва ЛПХ уьзюьмар гъасилунал машгъул я. 2015 ва 2018- йисара виш гектарда жегъил уьзюьмлухар кутунва.

**- Ферудин Эдуардович, малдарчивилин хилекай куьрелди ихтилат авуртIа жедачни?**

- Райондин вири жуьредин майишатра санлай къачурла 20 627 ири карч алай, абурукай 9727 калер, 23 I84 куьлуь карч алай гъайванар ва 360 агъзур къушар ава. Им гъелбетда ала-тай йисарив гекъигайла са къадар виликди фенвайди аквазва.

**- КIвалахда четинвилер ацалтзавай месэляяр гъибуря?**

- Гъелбетда техникадалди таъминарунин, яд гунин, гъасилай хуьруьн майишатдин продукция переработка ийидай чкаяр тахъунин месэляйра са къадар четинвилер ацалтзава. Месела Тагъирхуьруьн ва Магъарамдхуьруьн консервияр гъазурдай заводри кIвалахзавач. Инвестиция желб авунин кардиз районда къетIен фикир гузва. Месела, алай йисуз Чепелрин хуьре I40 гектар чилел «Сад» тIвар алай КФХ эцигзава. Фермер-вилин месэляйрив цийиз эгечIзавай жегъилриз куьмек яз, грантар гузва. Яшайишдин шартIар хъсанрунин мураддалди кардик программадин рамкайра аваз, жегъил пешекарриз ва жегъил хизанриз 2017-2018- йисара государстводи гузвай къуват яз 5II8030 миллион манат ганва.

**- Ферудин Эдуардович, ихътин ачух суьгъбет авунай квез чухсагъул.**

- Чухсагъул, мумкинвилерикай менфят къачуна заз вири районгъилийриз алуькзавай цийи йис мубаракиз кIанзава, къуй квехъ чандин мягъкем сагъвал ва уьмуьрдин хушбахтлувал хъурай!

## ПРОКУРАТУРА РАЗЪЯСНЯЕТ

### ЗАЩИТА ТРУДОВЫХ ПРАВ ГРАЖДАН

КОНСТИТУЦИЯ Российской Федерации гарантирует каждому право на вознаграждение за труд, без какой бы то ни было дискриминации и запрещает принудительный труд (статья 37 части 2 и 3).

Защита права работника на своевременную и полную выплату заработной платы в соответствии с его квалификацией, количеством и качеством выполненной работы является приоритетным направлением деятельности прокуратуры Магарамкентского района.

Проведенный прокуратурой Магарамкентского района анализ состояния законности в сфере оплаты труда граждан на территории района показывает, что уровень правовой грамотности населения в последние годы значительно повысился, но все еще нередко встречаются случаи когда люди, по существу, остаются один на один с произволом и беззаконием со стороны работодателей.

Приходится констатировать, что, несмотря на принимаемые нами меры, задолженность по оплате труда заметно не сокращается, нарушения прав работающих при получении вознаграждения за труд по-прежнему фиксируются.

В первую очередь это отражается на жизни социально уязвимых и малообеспеченных слоев населения.

В этих условиях органы прокуратуры, в рамках предоставленных полномочий, наиболее оперативно и эффективно помогают гражданам отстаивать свои законные права.

В этой связи разъясняем, что любой житель района, может обратиться в прокуратуру района с заявлением о защите его нарушенного права на вознаграждение за труд.

**Т. ЭМИРАЛИЕВ,**  
помощник прокурора  
района, юрист 3 класса .

2019

## 📅 Январь 2019 года

ПН	7	14	21	28
ВТ	1	8	15	22 29
СР	2	9	16	23 30
ЧТ	3	10	17	24 31
ПТ	4	11	18	25
СБ	5	12	19	26
ВС	6	13	20 27	

## 📅 Февраль 2019 года

ПН	4	11	18	25
ВТ	5	12	19	26
СР	6	13	20	27
ЧТ	7	14	21	28
ПТ	1	8	15	22
СБ	2	9	16	23
ВС	3	10	17	24

## 📅 Май 2019 года

ПН	6	13	20	27
ВТ	7	14	21	28
СР	1	8	15	22 29
ЧТ	2	9	16	23 30
ПТ	3	10	17	24 31
СБ	4	11	18	25
ВС	5	12	19	26

## 📅 Июнь 2019 года

ПН	3	10	17	24
ВТ	4	11	18	25
СР	5	12	19	26
ЧТ	6	13	20	27
ПТ	7	14	21	28
СБ	1	8	15	22 29
ВС	2	9	16	23 30

## 📅 Сентябрь 2019 года

ПН	2	9	16	23 30
ВТ	3	10	17	24
СР	4	11	18	25
ЧТ	5	12	19	26
ПТ	6	13	20	27
СБ	7	14	21	28
ВС	1	8	15	22 29

## 📅 Октябрь 2019 года

ПН	7	14	21	28
ВТ	1	8	15	22 29
СР	2	9	16	23 30
ЧТ	3	10	17	24 31
ПТ	4	11	18	25
СБ	5	12	19	26
ВС	6	13	20	27

# 2019

## Март 2019 года

ПН	4	11	18	25	
ВТ	5	12	19	26	
СР	6	13	20	27	
ЧТ	7	14	21	28	
ПТ	1	8	15	22	29
СБ	2	9	16	23	30
ВС	3	10	17	24	31

## Апрель 2019 года

ПН	1	8	15	22	29
ВТ	2	9	16	23	30
СР	3	10	17	24	
ЧТ	4	11	18	25	
ПТ	5	12	19	26	
СБ	6	13	20	27	
ВС	7	14	21	28	

## Июль 2019 года

ПН	1	8	15	22	29
ВТ	2	9	16	23	30
СР	3	10	17	24	31
ЧТ	4	11	18	25	
ПТ	5	12	19	26	
СБ	6	13	20	27	
ВС	7	14	21	28	

## Август 2019 года

ПН	5	12	19	26	
ВТ	6	13	20	27	
СР	7	14	21	28	
ЧТ	1	8	15	22	29
ПТ	2	9	16	23	30
СБ	3	10	17	24	31
ВС	4	11	18	25	

## Ноябрь 2019 года

ПН	4	11	18	25	
ВТ	5	12	19	26	
СР	6	13	20	27	
ЧТ	7	14	21	28	
ПТ	1	8	15	22	29
СБ	2	9	16	23	30
ВС	3	10	17	24	

## Декабрь 2019 года

ПН	2	9	16	23	30
ВТ	3	10	17	24	31
СР	4	11	18	25	
ЧТ	5	12	19	26	
ПТ	6	13	20	27	
СБ	7	14	21	28	
ВС	1	8	15	22	29

# ЭЖУЪНИН

ЦИЙИ ЙИС  
МУБАРАКРАЙ,  
ГЪУРМЕТЛУ АЯЛАР!

# ГЪЕД

## ЗИ ГЪВЕЧИ ВАТАН

ГЪАР са инсандиз виридалайни багъа ва виридалайни мукъва чка ава. Им, гъелбетда, адан гъвечи Ватан я. Зазни ихътин чка ава, амни зи хайи хуър Хожаяр я. Чи хуър акъван екеди туштлани, ана гурчег чкаяр тлимил авач. Хожаяр Самур вацун кьерехдал экля хъанва. Пуд патхъай жуьреба-жуьре емишрин багъларин юкьва гъатнава. Тебиатдикай рахайтла, ам йисан вири вахтара гурчег я. Амма чи хуърун виридалайни члехи девлет, ана яшамиш жезвай гурметлу, мергъяматлу инсанар я.

Гъар са касдиз вичин хайи хуърун тарих чир хъун лазим я. Акъалтзавай несилдиз яшлу ксари хуърун тарихдикай, хуърунвийрин баркаллу крарикай суьгбетар авуртла хъсан я.

Зи хуър акъван члехи туш, амма Хожайрин хуър заз виридалайни багъа я. Зи эрзиман мурад я, хайи хуър виридалайни гурчег, аваданлуди хъун. Гъелбетда, чнани, акъалтзавай несилди и мурад кылиз акъудун патал гзаф зегмет члугуна кланда.

**МУСТАФАЕВА Динара,**

Хожакъазмайрин СОШ-дин 8- классдин ученица.

## ТАЪСИР АВУР ГУЪРУЪШ



ЧИ ШКОЛАДА гзаф кружокар кардик ква. Абурукай сад «Жегъил краевед» я. Марият Кухмазовнадин регъбервилек кваз чна гъар жуьре ахтармишунар кыле тухузва, хуърун тарихдикай, машгур хуърунвийрикай макъалаяр кхъизва, жуьреба-жуьре гуррушар тешкилзава.

Заз и мукъвара чна тухвай гуррушдикай ихтилат ийиз кланзава. Чи мугъман малим, зегметдин ветеран Алиев Мирземегъамед Алиевич тир. Мирземегъамед Алиевича чаз гзаф дерин мана авай суьгбетар авуна, чи суалриз жавабар гана. Иллаки чи чирвилер вини куьгъне Хожакент хуъруькай деринбур хъана. Малимди чаз куьгъне хуърун тарихдикай, анин тебиатдикай, инсанриз хъайи четинвилерикай суьгбетна.

Гъелбетда, малимди чаз тербиядикайни гзаф ихтилатар авуна. Члугу крариз рехъ тагуниз, гурметлудаказ яшамиш хъуниз, чирвилер къачуниз эвер гана.

И гуррушди заз еке таъсир авуна. Ихътин гуррушар гзаф хъайитла, заз чиз, лап хъсан я.

**ЯГЪЯЕВА Суьрет,**

Хожакъазмайрин СОШ-дин 8- классдин ученица.

ГАТУН каникулар хъайила зун члехи бубади вич дидедиз хайи дагъдин хуъруьз тухвана. Къакъан дагъда авай и хуър са вахтунда арандиз куьчарнай.

Гила ина са квал ава, гъамни бубади вичиз ватандиз хтайла ял ядай чка хуьрай лагъана эциг хъувунвай. Гатун вахтунда цуьквери безетмишнавай и дагълар акур инсан гъейран хъана амукъда. Хуърун мулкарилай, бубайрин уруьшрилай сейр авурдалай кьулухъ чун кваллиз гтана, фу тлуьна.

Йиф хъайила чун ксуз гъазур хъана, ахварал фидалди за бубадивай и хуъруькай са хъсан ихтилатат авун тлалабна. Яб це чан хтул-лагъана ада.

Дегъ заманада и хуъруьз са гынай ятлани къве кас атана

ацукъна, кьуьзуь касни аял гада. Халкъди абуруз куьмекдалди са къезил квал эцигна, жемьтдик къабулна. Кьуьзуьдан твар Асум тир гададинни Таргаб. Сад кьуьзуь,

## РАКЪНИН ГАДА

муькуьдни аял тирвилей, абурувай квалах жезвачир, инсанри гайи ризкидалди яшамиш жезвай. Таргаб пара акъуллу аял тир, халкъди адаз риклин сидкидай гурметни ийидай. И гада алапатдин аял тир, амма и кардикай Асум бубадила гъейри гыч садазни чидачир. Инсанри и гададин буба вуж

я, ам гына ава лугъуз хабарар кьурла, кьуьзуьда ам Ракънин гада я лугъудай. А вахтара Ислам дин авайди тушир, инсанри гъуцариз икрамдай, члехида лагъай гафунин члалахъ жедай. Куьн члалахъ туштла- лугъудай Асум бубади- са вахт къведа, кез анжах Таргабакай куьмек жеда, ада куьн еке ажалдикай жкудда. Гъакл хъунни авуна.

Са хуьтлуьз хуьре мусибат жив къвана, квалер мурклади къуна, инсанар аяздин есирда гъатна, гъайванар гишила рекъиз башламишна.

Гила ви вахт атанва Таргаб, алад инсанри куьмек це-лагъана Асума, гада хуърун майдандал ракурна, вич секиндиз

## РАКЪИНИН ГАДА

6 ←

ксана. Ракъинин гада живедин винелай рекъый хъыз фена хуьруьн юкъван майдандал акъвазна, гъилер цавуз хкажна вичин бубади Ракъиниз минетна, инсанриз куьмек це лагъана.

Са арадила цавари ванер авуна, цифер къакъатна, Рагъ атана. Живер црана, ятариз элкъвена хуьруьн кланелай физвай кламуз авахъна. Хуьр живедин есирдай акъатна, хвешивилей пуд юкъуз зурне-далдам яна. Таргабаз къизилдин пурар алай лацу балклан гъазурна, са гъафтедин къене цийи квалер эцигун хиве къуна, уьмуьрлук тлуьн-хъун гуда лагъана. -Эй инсанар -лагъана Асум бубади- куьн пара сагърай авур теклифрай, амма куьне гъич садрани рикелай алудмир ам нин гада ятла, ракъиниз икрам ая, хъсан амалралди яшамиш хуьх, зегъмет члугу, чаз акуна, куьн хъсан инсанар тирди, гъак хъайила квез вахтунда куьмек агакъна. Пис инсанриз чна куьмек гузвайди туш. Куьн сагърай.

Са гъафтедила и къуьзуь касни аял-гада хуьряй хъфена. Абур гъинихъ хъфенатла гъич садазни акунни авунач ва чинни ийидач. Ихътин риваят.

-Бес гъак хъайила Баграт-хтул-лагъана бубади, инсанар хъсанбур хъана кланда, абуруз вири патарихъай куьмекар жеда. Инсан вагъши хъайитла адан уьмуьр куьруьди жеда.

Бубадин ихтилатди таъсир авур зун ширин ахварал фена. Пакад юкъуз за бубадиз хъсан клелда, члугу кваллахар мад хъийидач, диде- бубадин члалаз килигда лагъана хиве къуна, ва закай зурба спортсменни жез кланзавайдакай ихтилат авуна. -Аферин-лагъанай бубади заз .

**ВАГИДОВ Баграт,**  
Къуюстанрин СОШ-дин  
3- классдин ученик.



## Баркаллу кеспидин иеси



МАГЪАРАМДХУЬРУЬН М.Гъажиеван тIварунихъ галай юкъван школада тариф авуниз лайихлу малимар гзаф ава. Къенин зи ихтилат 9 лагъай классдин руководитель, англис чIалан малим Гамидова Таира Темирхановнади-кай я. Заз са шумуд касдивай Таира малимди-кай хуш келимаяр ван хъана. Садбуру ам хъсан, къени инсан, муькуьбуру къайгъудар диде, вафалу юлдаш, бязибуру камаллу малим я лугъуз тарифарзавай. Таира малим чаз виридаз чидай рагъметлу Темирхан халудин ва Дилара малимдин руш я. Гъвечи чIавалай Таирадин мурад малимвал авун тир .

1997- йисуз лап хъсан къиметрал школа куьтягъай руш ДГПУ-дин къеце патан чIаларин факультетдик экечIна.

2002- йисуз анаг еке агалкъунралди акъалтIарна. Институт акъалтIарай жегъил руш англис чIалан малим яз гъа и школадиз хтана. Пешедал рикI алай жегъил малим кIвалахдин вири сирерай къил акъудиз, ачух тарсар тухуз ,докладар клелиз, классдилай къеция гъар жуьре мярекатар тухуз ада аялрин фикир англис чIалал желбна. Сифте йикъалай башламишна ада вичин предмет аялриз кланариз алахъна. Чехи жезвай несилдиз тарсар гунин куьгъне

къайдаяр мадни хъсанариз, алай аямдин мумкинвилерикай менфят къачуз вичин кIвалах вилик ракъуриз алахънава. Декабрдин сифте къилерай хъайи «Йисан малим» конкурса муниципальный этапда вичин предметдай хъсан чирвилер къалурай Таира малимди садлагъай чка къуна ва дипломдинни пулдин премиядин сагъибни хъана. Таира I- категориядин малимни я. КIвалахдивай азад вахтунда зун аялриз генани дерин чирвилер гун патал англис чIалан жуьреба-жуьре куьмекчи разработкаяр клелунал машгъул я:- лагъана малимди. Адаз вичин гъилик клелзавай аялар гъар са аял хайи велед къван багъа я. Гъавилей аялризни Гамидова Таира Темирхановна хайи диде къван кланзава. Таира малим хъсан пешекар хъыз, играми дидени я. Ада вичин уьмуьрдин юлдаш Гамидов Мурад Январовичахъ галаз цуьк хътин руш ва хва тербияламишзава.

Гуььрметлу Таира Темирхановна вун хътин жегъил пешекарар амайбур патал халис чешне я. Ваз алуькнавай Цийи йис мубаракрай. Ваз ви кIвалахда мадни еке агалкъунар хъун чи мурад я.

**ЖАННА.**

## ЧИ НЕСИЛРИЗ ЧЕШНЕ

ШУКУР хъурай Аллагъдиз, чахъ, лезгийрихъ, алатай девирра акъалтIай гъунарар къалурай, вири дуньядиз машгъур хъайи, тарихдин чинра садрани квахъ тийидай гел тунвай къегъгал рухварни рушар гзаф ава.

Бубайрин крар рухвайри давамарда лугъудайвал, чи халкъдин милли дамах яз гъисабзавайбурун крар къенин юкъуз акъалтзавай несилри чешнелудаказ давамарзава. Лезги хуьрера бажарагълу рухварни рушар гзаф ава. Абуру бубайрин ирс хуьзва, акъалтзавай несилди бубайрин крарни чешнедалди къилиз акъуддайдахъ чун инанмиш я.

Заз инал чпикай ихтилат ийиз къанзавай инсанар Магъерамдхуьруьн райондин

Ярагъкъазмайрин хуьре яшамиш жезвай, чи баркаллу, уьткъем лезги бикейяр, Аллагъдин имамдин рекъе михъи рикелди къуллугъзавай, Ибрагъимова Эмина, Къурбанова Яхши ва Рагъимханова Суьлгъижат халаяр я. И бикейри чпин хизанрин ва Ярагъкъазмайрин жемятдин куьмекдалди Вини Ярагърин хуьре авай куьгъне мискIин къайдадик кутун хъувунва. Куьгъне чкъанвай мискIиндин чкадал цийи имарат хкаж хъувунва. Им Аллагъдин патай сувабар я. Эмина халади, Яхши халади ва а Суьлгъуьжат халади сив хуьнин суварин вилик чпиз къазанмишнавай. Къуй Аллагъди чпиз мадни зурба къува тар гурай ва аламай куьлуьшуьлуь къвалахар хъийидай сагъвални хъурай ва халкъдин патай куьмекни.

*Куь риклера шадвал хъурай,*

*Квехъ уьмуьрда садвал хъурай, Жемят патай къимет хъурай,*

*Хуьруьн къене гъуьрмет хъурай!*

И мукъвара гъа и мискIиндин дараматда Ярагъ Мегъамедан тIварунихъ вири Дагъустан республикадай мугъманар къватI хъана, зурба Мевлид къиле фена. Къуй мевлидда иштирак авур вири стхайрин ва вахарин садакъаяр Аллагъди вичи къабулрай, къуй вирибурун риклера авай мурадар къилиз акъатрай.

**Магъият ЖАРУЛЛАЕВА,**  
Ярагъкъазмайрин юкъван школадин малим.

## ЗИ ХАЙИ ХУЬР

*Зи хайи хуьр багъа я заз  
виридалай,  
Зи диде хъиз, ам зи риклиз  
лап хуш я.  
Хайи дагълар, дуьз дугунар  
цуьк алай,  
Билбилрин сес, михъи гъава  
заз хуш я.  
За шиир кхъизва :*

*тIвар паталди ваъ-  
Жувалай аманат затI  
тун паталди.  
За шиир кхъизва: жуван  
дерди-гъал  
Акъалтзавай несилдиз  
лугъун паталди.  
За шиир кхъизва : жуван  
хайи чиликай,*

*Къайгъуда а чилин чун  
хъун паталди.  
За шиир кхъизва:  
Хожайрикай,  
Виридаз чи хуьруьн тIвар  
истеклу хъун паталди .  
**ИСАБЕКОВА Динара,**  
Хожакъазмайрин СОШ-дин  
7-классдин ученица.*



**Къилин редактор  
А. А. ИСМАИЛОВ.**

**Учередители:** Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).  
**Адрес:** 368780. РД, Магъарамдхуьруьн район, Магъарамдхуьр, Гагаринан куьче, 2.

**Редакциядин адрес:**  
368780. РД, Магъарамдхуьруьн район, Магъарамдхуьр, Ленинан куьче.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги чIал.  
**Индекс 63340. Тираж 1400**

Газет гъафтеда садра акъатзава.

**Чап ийиз вахкудай вахт - 16.00.**  
**Чапун патал къул чIугуна - 15.00.**

**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

Заказ № 1

6+